

瓊山縣志卷之五

建置志五 壇廟

社稷壇宋元建在城西南明洪武二年知府宋希賢遷於城西北正德六年副使劉浩知府王子成重修康熙二十七年同知潘廷候重修乾隆四年知縣杜兆觀重修 舊志 其主以木為之高二尺二寸廣四寸五分厚九分座高四寸五分闊八寸五分厚四寸五分皆硃地青書今易以石風雲雷雨山川壇同

風雲雷雨山川壇宋元在城東北明洪武建於南橋外乾隆四年知縣杜兆觀移建於城西北隅

瓊山縣志 卷五

建置五 壇廟

南向 上全

先農壇在東郊外藉田四畝九分原定藉穀一十七石二斗五升但瓊地瘠歲收穀僅六石五斗尚欠穀一十石七斗五升係瓊山印官捐賄通年支穀一石四斗為粢盛種子外餘積貯五年一糶部定價每石銀四錢五分歲支穀價四兩六錢九分二厘辦祭壇後祠屋三間廂房二間大門一間雍正六年知縣楊仙藉奉文建設乾隆十一年知縣楊宗秉重修 上全

神祇常雩不另為壇在藉田全山川社稷壇舉祭

上全



厲壇在城東北一里明洪武三年知府宋希賢創

建道光十四年奉裁舊志增填

府城隍廟宋元時在西關明洪武二年知府宋希

顏移建府治東南成化間知府蔣琪遷府治東

正德十四年知府曾大慶遷府治西南縣署之

東萬厯間署府事雷州府推官高維嶽又遷今

道署東以舊廟為海忠介公專祠崇禎十七年

學道林汝荔知府張允佳瓊山知縣李琦復遷

還舊廟而以道治東廟為海公祠後圯 清朝

乾隆三十九年知府蕭應植重修郡志

按洪武二年禮官建言以為城隍之祀始於

### 瓊山縣志

#### 卷五

建置五 壇廟

唐郡志引之非也考太平府志城隍廟在府

治承流坊吳赤烏二年創建是三國時已有

之矣又北齊慕容儼鎮郢城城中先有神祠

俗號城隍神本北齊書梁武陵王紀祭城隍神將

烹牛有赤蛇繞牛口本隋五行志是南北朝時又

有之矣謂始於唐者偶未及檢耳又恭惟明

神懿皆潛德城池是保民庶是依乃開元十

五年張曲江祭洪州城隍文而志稱為燕公

祭荆州城隍疑亦有誤姑誌之候考

縣城隍廟 康熙十四年知縣茹鉉建在府城隍

右康熙二十二年知縣朱玘移近縣治東街康



熙四十四年知縣王贊重修乾隆四年颶風損壞知縣杜兆觀重修乾隆十年知縣楊宗秉重修三十九年知縣汪星重修道光十五年知縣

張德尊率紳士建修

舊志增

旗纛廟在衛治左久廢今附於教場演武亭

舊志節

風神祠在東關外迎春館後明萬曆四十五年重

建天啓七年圯 清朝雍正十二年奉頒神號

及匾額乾隆四年副使王公元樞太守李毓元

知縣杜兆觀就原廢址建復廟宇乾隆十一年

知縣楊宗秉重修嘉慶二十三年移於城東北

隅浮粟泉左文昌閣舊址

舊志增

### 瓊山縣志

#### 卷五

建置五

壇廟

三

查風神靈山梁公十賢四祠向無祭銀乾隆

九年知縣楊宗秉詳准酌減本縣儒學丁祭

銀八兩九錢九分八厘遞勺為四祠辦祭之

需每祠歲支銀二兩二錢四分九厘五毫

舊志

龍王廟在城東北金粟泉上二蘇祠舊址乾隆十

七年巡道德明率屬捐建五十八年知府葉汝

蘭重修邑紳吳瑾董其事

郡志增

火神廟在城南文昌宮左道光二年知府史祐建

文昌宮在城東北浮粟泉左嘉慶十四年知府張

增捐建二十三年巡道左輔率紳士捐貲移建

於城南一里圓通寺左以拔貢生王天祐董其



事郡志

關帝廟舊在府署左海南衛右明宏治初遷於抱  
珥山今道署右即所謂瓊臺也萬曆十三年太  
守周希賢創正廳四十三年太守謝繼科建大  
聖母祠國朝康熙十年巡道范養民太守牛天  
宿重修三十一年巡道黨居易重修五十一年  
巡道申大成捐貲千金修建乾隆四年六年颶  
風損壞知縣江日暄重修九年副使謝樞總兵  
黃有才知府于需知縣楊宗秉協捐移建於舊  
府學宮之東南北二十五丈東西八丈五尺後

瓊山縣志 卷五

建置五

壇廟

四

殿三楹正殿三楹兩傍廊房十間大門五間戲  
臺一座另守廟人住房五間在大門內東廊房  
後抱珥山舊廟遂廢未幾郡人稱改建不利二  
十二年巡道張介祺復建還舊址其在城東者  
為東關帝建還者為西關帝今東西二廟並列  
道光十五年東武廟損壞護道張培春總兵謝  
得彰率屬捐修

舊志增

天后廟在海口所元建明洪武間累葺商人譚海  
清等建後寢三間築觀音山及塑諸神像 清  
朝雍正七年監生陳國安生員楊鳳翔等募建  
大門三間十二年知縣鮑啓泌詳准在海口關



稅內支搭規銀四兩四錢辦春秋二祭乾隆十一年陳國安復募建廟前舖屋十間歲收租銀以供香火

舊志增

如姓林氏福建莆田人都巡林公愿六女宋宣和申朝廷遣使臣航海中流遇風賴神以免使臣路允迪以聞紹興丙子封靈惠夫人壬子加妃號元以海運足國加封天妃明洪武間革百神號惟存其始封永樂建國幽燕資海運己丑詔中貴鄭和建廟於儀鳳門太常少卿朱焯齋祝封神為護國庇民妙靈昭應宏仁普濟天妃 國朝加封為天后出處見

建置五 壇廟

五

### 瓊山縣志

#### 卷五

靈著錄封爵詳類稿北京天妃宮記迄今渡海往來者官民必告廟祭卜而後行靈異甚

著舊志纂

昭忠祠舊在城隍廟西廊以祀陣亡官兵鄉勇嘉慶八年奏准另立專祠後圯道光十四年署遊擊何朝亮倡率郡城文武捐俸移建鎖鑰門外大慈寺左巡道張培春有記

郡志

忠義孝弟祠在縣學宮之左雍正二年署縣趙光緒奉文建設乾隆四年六年疊遭颶風傾圮十年知縣楊宗秉捐建原與名宦共祠道光二十八年巡道黃宗漢移建於名宦祠前

舊志增

欽遵



雍正元年

恩詔查明應入祠祀之人製造木主安奉祠內共

四位舊志今查祠中牌位名數尚有十二位合載於下而書增補二字以別之

宋謝富冉安國元王周紹仁明榮瑋

王盤谷泰張可載補增唐鄭楷李廷茂唐繼祖

陶英徐福林昌運

清周維城李輔聖楊楨

節孝祠在縣學宮之左雍正二年署縣趙光緒奉

文建設乾隆四年六年疊遭颶風傾圮十年知

縣楊宗乘相建原與鄉賢共祠道光二十八年

巡道黃宗漢移建於鄉賢祠前舊志增損欽遵雍正

瓊山縣志卷五

建置五 增廟 六

元年

恩詔查明應入祠之人製造木主安奉祠內共五十八

人舊志

唐符鳳妻玉英 元王和妻蔡氏

元閨女唐五妹 明屠經側室畢氏

明許揮謙妻陶氏 明閨女陶金娘

明謝應昇妻韓氏 國朝王賓妻吳氏

黃世賢妻尹氏 屈氏失其夫姓名

張元璐側室楊氏 王尙策妻李氏

李捷魁妻趙氏 林學文妻王氏

周璧妻葉氏 馮兆英妻黃氏



洪嘉素妻黃氏

周乘穹妻潘氏

吳蔭昌妻高氏

陳今興妻吳氏

陳宏謨妻符氏

馮偉運妻吳氏

吳毓奎妻伍氏

陳 熾妻王氏

陳宏藝妻曾氏

吳有要妻陳氏

楊朝選妻劉氏

陳宏綽妻鄭氏

許世華妻馮氏

周建賢妻盧氏

陳毓英妻周氏

陳邦祚妻劉氏

黃元先妻陳氏

羅輝斗妻黃氏

林 茂妻唐氏

吳希聖妻陳氏

明丘 傳妻李氏

張 毅妻鍾氏

瓊山縣志

卷五

建置五

壇廟

七

王宗義妻唐氏

潘 穰妻陳氏

海 瀚妻謝氏

李元良妻高氏

海 瑞側室丘氏

清丘夢賜妻陳氏

清馮 潤妻陳氏

辜弘昱妻張氏

吳世卿妻蔡氏

杜鍾麟妻李氏

郭瓊泰妻林氏

杜玉麟妻張氏

王 章妻吳氏

呂奇侯妻謝氏

吳文淑妻陳氏

梁萬邦妻王氏

陳毓蛟妻周氏

王 鈞妻鄭氏

王元輔妻潘氏

吳 琮側室謝氏

案前孝牌位列到嘉慶初年以後尚未列入



漢二伏波廟明萬歷三十四年副將鄧鐘始建於參  
將公署旁鐘有文記事四十五年副使戴燿移建  
於教場演武亭西有碑後又傾圮清初康熙五年  
巡道馬逢皋復移建於北郊外大路左有碑二十  
二年知府佟湘年等重修雍正八年總兵李順捐  
修有碑並補刻蘇文忠伏波廟記李忠定書碑陰  
立中門側道光二十九年總兵何巡道林知府蔣  
協鎮吳重修咸豐三年總兵吳巡道江知府壽同  
知劉瓊山李等重修同治年間巡道王澍重修今  
已傾圮惟鄧戴馬李佟諸碑刻尚存詳在金石略  
今道尹朱為潮移二伏波祠於蘇泉東坡祠東舊

瓊山縣志

卷五

建置七 壇廟

七

祠廢棄

舊志略據碑刻補修

傑興大擬邕陽三

王國憲伏波祠訪碑請訪碑北郊外晉謁伏波祠  
棟宇八倒塌牆壁皆傾欹滿目多荒涼歷盡風雨  
吹樓神廟所止繞階叢莽滋撥雲尋古迹摩挲讀  
遺碑篆額字深刻記敘文瑰奇特書漢將功炳燿  
天南垂紀載補傳缺大筆揮淋漓世遠閱縣邈來  
許還昭茲回瀾開瓊日元鼎詳歲時轉伐平南越  
置郡出邛離炎荒被文教開化風俗移新息征交  
陟焉飛龍王師珠厓傳檄定復見漢官儀天兩伏  
波實為西南夷萬古敬荒微舉世登咸陳鴻伐炳  
史策豐功銘鼎彝千秋崇祀典邊豆陳有司自漢  
迄今日廟宇隨地宜瓊民家戶祝炎宋祠龍岐明  
移演武場清建當道遠累代有增修金碧輝階埠  
貞珉紀勛績蘇李先摘詞鄧戴持節至新建捐俸  
費選材負巖屬書額蟠蛟螭規制大明備享祀無  
闕遺副使扶風裔重修微勛爾時李將軍懷古  
寄遐思補刻文忠記連書忠定辭樹立中門側想  
見功勤施清高肅廟爽颯瞻英姿偉績垂不朽  
奕漢還在斯滄桑世忽變往蹟空留貽今我來  
弔俯仰心傷悲吁嗟時代易禮教誰維持赫赫  
將軍威風震邊陲流傳千百載威戴罔或私恐教



道墜地後世人莫知曠觀西南洋偉人開國基範  
金鑄遺像紀念無窮期吾瓊號鄒魯竟廢前哲規  
漢業肯自惹歐風渺難追惟留此遺刻  
炳如日星輝歷劫仍不磨光照瓊海湄

呂祖祠在城北鎖鑰門外大慈寺右嘉慶十二年知  
府張增建有記二十年知縣萬鼎琛重修原置雙  
簪田一契交大慈寺僧收租以供香火詳載碑記  
今廢 郡志

蘇文忠公祠在城西社稷壇之東南隅舊在城東門  
內康熙癸未巡撫彭鵬命雷瓊道副使黃國材知  
府賈棠同知姚哲移建於此與明丘文莊公濟海  
忠介公瑞三祠並列蘇祠居中丘祠居左海祠居  
右外繚以垣而各為一門門前石坊分列彭鵬有

瓊山縣志

卷五

建置五 壇廟

八

記姚哲有記乾隆二十一年知府護理巡道左興  
倡捐同官紳重修提學使劉星焯有記道光十年  
知府普祥倡捐官紳重修同治七年知府戴肇辰  
撥公款重修光緒七年紳士馮德驥吳為熙稟請  
道府重修官紳捐銀一千餘元丘景騰捐銀一千

元鄧開基總理工程重建八月始落成 據碑刻

明副使王弘蘇祠詩四百峯頭袖裏風羅浮疑在  
半天中小坡作伴和詩苦春睡何如飽飯同前度  
是非今却是後來公論本還公不慙我為翻詩案  
留得聲光隔海通 瓊臺化被仰高風多少兒孫  
禮教中著述不嫌天地老姓各直與古今同一生  
鼓鑄應憐我幾度羹牆得見公昭代式崇新廟貌  
依光先傍  
九霄通

丘文莊公祠在城西社稷壇之東南隅原在景賢祠



與蘇公合祀康熙癸未年巡撫彭鵬命雷瓊道副使黃國材知府賈棠同知姚哲捐建於此與宋蘇文忠公明海忠介公祠並列為三每歲祀以上丁後三次重修與上蘇公祠同碑記詳在金石略上明王宏誨拜丘文莊公詩烏衣巷口夕陽斜祠宇春深護碧沙履巖剛與席上相瓊臺應運魯東家名高翰苑推經濟書奏宸旒荷寵嘉鄉里衣冠今不乏幾人名世樂勳華王承烈詩五指峯高接上台靈鍾秀毓濟時才文章自古推班馬著述於今見賈枚出納中樞庶績平章大政樹鴻裁治溟地脈何曾斷文字全將氣運開王國憲文莊公生日諷祠詩嵩生嶽降古名賢奇何文明豈偶然張李余崔稱相業關閩濂洛紹薪傳排胡早慮中原禍論史先將正統編今日共和尊漢族公應含笑在重泉

海忠介公祠舊在城內城隍廟明萬歷間署府事雷

瓊山縣志

卷五

建置五壇廟

八

州推官高維嶽申請為專祠以祀康熙癸未巡撫彭鵬命副使黃國材知府賈棠同知姚哲建祠於城西社稷壇右與蘇文忠公丘文莊公祠並列為三彭鵬有記後三次重修與蘇丘二祠同

張世燾拜忠介公祠詩瞻仰祠前百拜連居然身大玉壺天一輪烈日明秋水千古霜風洗暮烟世事江河流漸下生民塗炭命如懸只今聖主需良彌安得先生作九泉王承烈詩補天誰識寸心丹九死孤臣萬慮攢自是松筠同勁節由來鐵石即忠肝千秋烈日輝霜簡一代習風蕪露檀三氣堂堂標為鏢中流砥柱障過瀾

十賢祠在城東門內舊為東坡祠後附主祀郡守三伯貞徐鑑二公明成化間知府蔣琪於學宮舊址建祠專祀王徐二賢宏治初知府張英遷祠於兵



備道署右十年提學僉事宋端儀祀二於郡學  
仰止堂正德辛巳兩學生員呈請與漢路博德等  
十七人祀郡名宦而於王徐二公祠內附入憲副  
游公璉名三賢祠嘉靖間士民請附祀太守張子  
宏又名四賢祠萬歷戊午士民請以原任太守史  
朝宜附祀改為五賢祠每歲丁後致祭後增祀學  
道胡公訓魏公成忠知府李公多見蔣公一鴻更  
名九賢祠歲久傾圮康熙癸未知府賈棠建蘇丘  
海三公祠重建於三祠之左又因士民蕭元長等  
公請增大鎮守總兵王公起龍附祀名爲十賢祠  
舊志鎮守范時捷有記刻石今祠圯碑存

瓊山縣志

卷五

建置五 壇廟

九

景賢祠在北門外卽奇甸書院故址丘公常讀書於  
其中向祀宋蘇文忠公軾明正德間禮部尚書劉  
春以丘文莊公濬著書垂訓有裨後學奏請與蘇  
公合祀詔賜額名景賢祠每歲丁祭嘉靖副使何  
元述復修萬歷副使蔡夢說知府翁汝遇以文莊  
孫爾穀爾懿請遷於社稷壇之東南隅國朝郡守  
佟湘年移祀蘇公於金粟原祠此祠專祀丘公康  
熙癸未巡撫彭鵬命特建蘇丘海三公專祠而景  
賢遂廢知府賈棠因捐俸復建景賢祠於奇甸故  
址祀蘇丘二公外增祀唐太尉李公德裕宋宰相  
李公綱趙公鼎宋學士胡公銓任公伯兩李公光



使千載下知此數賢謫官於瓊藉以增重而不失

景仰之意今圮 舊志

學使樊澤達景賢祠詩皇帝四十六年夏奉命乘  
槎上瓊島祝融之國浮巨鼇五指中撐雲縹緲天  
下郡縣居海內獨此巋然立海表來施鐵網珊瑚  
瑚雖霓霓連捲復天矯探驪得珠汰魚目羣情輸服  
言靡譎撫今風氣忽懷古大有名賢遜開肇肅恭  
拜手景賢祠正氣羣猶塞蒼昊邈矣唐太尉明黨  
相傾心悄悄一謫珠崖竟不還詩吟望闕空投老  
着州兩公蘇與任後先安置鄰黎獠玉局窮無地  
可屋棲傍桄榔猶客鳥飲水只能甘乳泉可與言  
惟秦吉了文章觸諱如等閑平生道學寧草草任  
公遠徙家亦傾謗書蠶幻餘羣小索居雖與髯蘇  
同遊酒人一枯槁彼此一斤三年淹去任同揆  
詎遲早名臣輩出宋南渡捧日精忠簡趙九死  
餘生繼強詞能令奸雄魄俱蕩自書碑石自銘旌  
後來繼者胡公好趙公舊寓胡公居掃塵昔夢符  
先兆傳經黎首尚知化誤國臣寧不心澡昔有邵  
武後上虞長庚毓質光皎莊簡居瓊八年久唱  
和胡公相傾倒疊與伸子俱被誣履險如夷終壽

瓊山縣志

卷五

瓊置五壇廟

五

考邵武遭際宣和年防秋之議南仲撓彼譖人兮  
黃與汪復温高宗容直道吁嗟宋室不復振數公  
前後流荒徼地以人傳萬古名自唐迄宋人綿邈  
或排和議或黨禍骨鯁孤忠水雪皦文莊挺生明  
盛時瓊山毓秀敷文藻衍義補與史正綱帝統儒  
術常旦曉原始景賢祠祀蘇文莊醜合馨香繞歲  
从桃風柳雨催一望荒烟叢篁篠五馬向年來賈  
山望古躊躇思渺渺龙材舊址擴祠宇增祀羣賢  
見懷抱尚有闕者闕忠介文章政事日景景先後  
文莊作地主景賢增祀安可少數公名節炳日月  
墮地人當思所紹祠下徘徊不能去瓣香再拜酬  
清醮題詩勒石回使旌勝取支機河浩淼  
郡守賈棠詩哲人之生天所置時地不齊心豈異  
總是忠君愛國情頓合後起生遐思我來出守粵  
南州大海之涯天盡頭在昔視爲煙瘴地名臣  
謫多宦遊崇祠尸祝傳今古百代忠良同一土此  
身雖歿此名存歷歷高風猶可數有唐司戶李參  
軍高亭望闕不忘君宋室文忠蘇學士載酒開堂  
似子雲三朝辛若憑忠定獨力支持誰與並任公  
同諫半年間百餘疏草邀誰聽胡公乞劍斬王倫  
越相咸時匡社稷或作生還海外人或作乘箕天  
上客更愛剛方李大參斥會懷奸兼誤國重移昌



化亦怡然攷史論文真自得郡內當年有賢相憂  
威危明進忠讜衍義書成補治平即今傳在西山  
上升沈榮辱固因時大節鴻名自天壤懷題重煥  
舊規模秋菊春蘭申脍蠶微言未足重羣公千秋  
萬世徒瞻仰

江都樊庶詩唐宋中哀天未棄時危往往生名世  
隻手還支欲墜天瓊州遂作流賢地太尉殊勲潞  
澤聞六箴憂國更忠君羣邪在側中難駐氣散珠  
崖碧海雲大宋大蘇尤諤諤孤憤惟將文字託三  
謫何辜島上行獨立清風吹水國忠定巍巍將相  
才防秋主戰破時猜偉然十事傳青史豈惜投荒  
烟瘴來德翁不愧官臺諫六月封章凡百見視捐  
七尺若鴻毛妻孥生死何足戀胡公請斬檜與倫  
一疏直懸日月新敵國千金求片藁儋崖萬里處  
孤臣太傅忠誠天地知節如山岳世難移身騎箕  
尾歸何處亘古還留百粵悲參政廷爭不說隨當  
時國是尚能為一去中朝和議決眼看宗社日傾  
危好是天將溟海重存亡不顧人哀痛往日甘心  
禦魑魅此時尊尚如麟鳳千載懷賢只賈公崇祠  
合祀四時同復以文莊躋主席高卑欲使成雍容  
我來瞻拜情無極正氣如生坐生四壁諸賢作述半  
凋零獨喜天留海外集

瓊山縣志

卷五

建置五 壇廟

祭

黃陂姚哲詩節義文章舊典典型賜祠同此祀忠貞  
一時流逐非公論千載賢奸有定評用古獨深唐  
宋恨招魂難盡楚湘情只今蘋藻馨香處天海孤  
懸絕代名  
新安王贇詩兩朝難抱數公留奇劫天教海外遊  
遺老非因鈞黨至功臣偏惹謗書酬鄉思好借同  
堂慰客路何堪萬里投獨喜文莊稱地主後先俎  
豆並千秋羣賢落落數無儔今喜蒸嘗祀並優  
數百年來人盡往二千石至蹟還留盈階披拂清  
風轟滿座續紛化雨稠余亦頑廉屬後起却慙俗  
吏對名流

歐陽郡守遺愛祠在郡城學前街萬歷四十七年建

刑部江西清吏司郎中邢祚昌有記詳金石志靈

山六神祠有遺愛碑銘舉人吳鉉鐘撰四十八年

通郡紳民同立 新補

案舊志不載歐陽遺愛祠因易代時為僧所占改



名漢土寺承訪不及故遺漏今據碑刻補入

梁忠烈公祠在西關外祀梁公思泰有祀生雍正

七年副使王璠知縣楊仙椿重修舊志

江張二公祠在海口城外天后廟右江公名起龍欽

縣人正直剛勇勤勞王事任海安所副將屢剿

海寇瓊境賴安康熙五年七月提兵出洋巡視

遇颶風覆舟公英靈不泯每風雲陰霾顯靈海

上往來舟楫多賴護庇康熙二十六年郡守佟

湘年詳請兩院建祠祀之配饗則濟南張公瑜

也康熙二十年海寇楊二謝昌踞海口城公時

為虎頭門副將統兵赴援獲船賊賊救回被擄

瓊山縣志 卷五

建置五 壇廟

男婦甚眾同時有商人謝謙殺賊殞命瓊人賴

其力稍緩賊勢稱為義士又有倉大使崔祥隨

巡道范養民出郭禦賊遇害俱附祀於廟雍正

九年布政司黃仕俊奏請封號

欽定為英佑驍騎將軍之神行商陳國安楊翔鳳黃河

清何良珍等募金即舊祠重修大門增建牌坊

雍正十年知縣鮑啟泌詳准即本縣城濠租銀內

支辦春秋祭品學使翁方綱有記歲久漸圯乾隆

隆三十八年合郡官紳商民公捐重建知府蕭

應植有記舊志增○按濠租今久不徵收

北帝廟即真武廟原建城中後移城北譙樓上雍



正五年太守宗公思聖重修神像撥奉裁天主  
堂苗田三丁以為常住舊志

晏公廟在小北門內元封神為平浪侯鄉人至今

祈禱舊志

謹按神姓晏名成儒江西清江鎮人濃眉蛇  
髯面若黑漆生卒疾惡如探湯人少有不善  
必曰晏公知否元初以人材應選為文錦局  
堂長謝病歸登舟即逝時靈顯於江河湖海  
舟行遇風叩之即浪平風息明洪武初有司  
以其事聞詔封為顯應平浪侯江淮間香火  
甚盛邱文莊屢禱有應建廟於下田村祀之

建置五 壇廟 七

瓊山縣志 卷五

國初移建於子城小北門內

馬王廟在子城內馬鞍街其廟原係鍾司徒芳屋

宇 國朝順治九年總兵高進庫改建今與火

神並祀舊志 增

華光廟在小北門外歲以九月二十八日有司致

祭郡志

孚惠伯廟舊名潘天仙祠即東湖神君廟在城東  
十五里博茂都相傳宋時有巨室潘姓居此一  
夕飛昇去其宅遂陷為湖官民立廟湖上祀之  
元時天旱湖中有物柱立高十餘丈須臾而仆  
其聲撼地不二日大雨後歲旱請水祈禱輒應



廟久圯 清朝康熙四十五年知縣王贊重建  
歲撥湖租銀四兩入廟支用雍正七年知縣楊  
仙椿修乾隆四十二年知府蕭應植修有記嘉  
慶十年巡道海祥修碑記尙存道光四年歲大  
旱闔郡官紳禱於廟雨直至邑人李流芳等具  
呈巡道周鳴鑾知府呂子班詳請封號五年奉  
旨勅封孚惠伯歲以五月上辰日致祭郡志

靈山廟在靈山宋元建祀靈山香山瓊崖定邊通  
濟班帥六神明洪武三年例勘該祀神祇知府  
宋希顏以其能興雲雨禦災患奏入祀典以三  
月九日致祭新官必先謁祀是日忌雨成化間

瓊山縣志

卷五

建置五 壇廟

七

副使涂棐禱雨輒應始大其廟有記萬曆壬子  
郡守翁汝遇重修改自俯瞰長江郡守歐陽璨  
築外垣墻通判潘大熙撥入田米三石推官傅  
作霖撥入田米四石省祭郡志謂省祭未詳何官陳九叙

捐入田米三石原派張吳英岳振文鍾秀英華  
民夫修理祠宇及應接各官謁祀康熙乙酉年  
臬司黃國材雷瓊道焦映漢瓊州府賈棠重修  
雍正七年知府宗思聖修乾隆七年知縣江日  
暄重修并捐置張吳田一坵租米六升八年署  
知縣左鵬捐置張吳都田二坵租米八升八合  
十年知縣楊宗秉捐置振文都柄杓瓊秀田二



坵租米九升三十年知縣汪屋捐置川種一石  
按年收租以供香火舊志增

以上壇廟祠宇三十二所除十賢景賢二祠  
已圯外其餘三十所每春秋二仲或誕節皆  
官致祭禮典類其中如文昌關聖祠廟別見  
及一切里閭募建神號不在祀典者均附於  
後

文昌宮在西關內總兵署右原進士楊愷故宅生  
員許一卿王之乾等買建順治己亥總鎮長子  
高明魁修旋場里人黃鼎捐募重修置田一丁  
半米四斗六升又置縣前東西舖屋二間南門

瓊山縣志

卷五

建置五

壇廟

三

外舖屋二間後圯 國朝乾隆三十年邑紳吳  
位和倡眾捐修又置道前舖屋二間現每歲收  
租銀為奉祀之費舊志增○以下俱舊志

文昌祠在小西門原黎葵廟基鄉官廖士衡王鉞  
同眾改建範賢義學祀朱呂二公明萬曆乙巳  
地震傾圮四十五年鄉官盛尙志王一造合眾  
捐建文昌閣有記久廢地址猶存

國朝嘉慶二十年邑紳伍鳳翔符顯鐸等倡捐改建  
北向道光八年邑紳林瀛等呈請知縣蘇榮仍  
改為範賢義學咸豐四年邑紳鄭貞於祠之左  
倡建客堂二間祠後原有舖屋外內五間歲收



租為香火費舊志增

文昌祠在文峯塔前康熙四十七年知縣王贊建塔勢孤轟是而配之正殿三楹兩廊六楹塔傍茶亭塔後觀音堂各三楹又捐置田七丁養濟僧人買舖一間租銀六兩以供祭祀有碑其田坐落麻長文貢村米若干詳除糧訖道光五年知府呂子班倡捐與塔並修邑紳符魁泰陳瀛董其工役舊志增

按祠於郡為丁位形家謂其文昌文塔兩兩相映足以納離火而助文明本志則此祠亦

闔郡文風所係今其堂基如故郡憲呂公且

瓊山縣志 卷五

建置五 壇廟 十四

率眾捐修與浮粟泉左一祠兩不相涉郡志稱其移此以就彼誤

朱二蘇公祠在城外東北金粟泉上即粟泉書院

舊址明萬曆四十五年副使戴煇復得雙泉建祠於此以宋蘇文忠公及弟文定公同祠題其額曰高山仰止有記 國朝順治初同知馬光

修康熙七年左營遊擊易知修有碑二十五年

丙寅知府佟湘年重建乾隆十年知府于需知

縣楊宗秉因建蘇泉書院重修十七年改建為

龍王廟三十九年巡道陳用敷建復蘇泉書院

五十八年知府葉汝蘭重修並祀二蘇於其中



今仍之舊志增

按郡憲于公邑侯楊公創建書院合重修蘇祠二進堂舍共四十七間東西二帶俱有正間並回廊乾隆十七年將堂廳改祀龍王二蘇牌位尙有西偏齋舍五間即今建東可以坡書院處安置必不因改一正祠卽并其偏厦而毀之使二蘇無祠祀之所郡志謂蘇祠毀後得公石像者復建祠於舊址之右以祀公似屬失實附識於此以備查

雙泉祠在城外東北浮粟泉上昔人建以祀二蘇先生暨明太守翁公汝遇者也康熙四十五年

瓊山縣志

卷五

建置五壇廟

五

太守賈公棠臨高知縣樊庶重修副使黃國材有記乾隆十年太守于公需知縣楊宗秉重修郡志無雙泉祠而有翁公祠翁公祠卽雙泉祠也前三楹舊祠二蘇後三楹則後人重修合二蘇翁公並祀故其祠仍曰雙泉不專屬之翁公今依舊志存此而翁公祠不復載

藥王廟在城北五里亭西乾隆五年知縣杜兆觀倡率士商捐建廟一座三楹廚房一間延習醫一人居住調養孤貧疾病乾隆七年知縣江日暄詳准撥定安解司充公榔羨銀三十六兩七錢一分二厘臨高解司充公榔羨銀一十六兩



六錢四厘一毫遞年奏銷屆期解瓊山縣交給藥餌口糧之需乾隆十一年知縣楊宗秉捐俸增建向北迴廳三間兩廂廂房各三間捲篷一間大門一間額曰普濟堂道光五年署知縣張德馨重修今廢

舊志增

龍廟在郡西二十里博崖都宋建廟前有井傍有湖水自龍口流出由井入湖大旱不涸康熙十九年遇旱巡道范養民步禱於廟甘霖立應因捐貲修其廟宇有碑記其地景致甚幽明參政鄭廷鵠致仕讀書於此所建翊正祠遺址尙存

舊志增

### 瓊山縣志

### 卷五

建置五

壇廟

六

柔惠廟在城大西門祀誠敬夫人馮洗氏副使鄭彥譽重修

謹按夫人姓洗氏高涼人高州太守馮寶妻以保障嶺南功陳初冊爲石龍郡夫人隋再冊爲譙國夫人卒諡誠敬事詳隋書列女傳然則石龍譙國乃其封也誠敬乃其謚也今俗稱懿美夫人又稱正順夫人而廟號柔惠不知何昉

南宮廟在南橋前祀火雷子孫泰華三夫人後祀白衣大士順治間僧寂德募建貢生馮侯勒石並祀里中名賢吳垣齋陳秀卿唐必周陳汝中



四先生

今海防並有此廟不可勝紀

泰華廟在城東十里與義圖陳村元建祀泰華仙  
妃靈異甚著明嘉靖年間旨毀淫祠而此廟獨  
以救疫濟旱存歲以六月十二日致祭巡道俞  
廷垣榜曰日月爭光有碑又一在城北五里亭  
側瘍疥疾求之立效每誕節請廟拜祝者以千  
百計又一在城北十里海甸村乾隆六年建又  
一在城西十五里書場村亦甚靈顯舊志增纂  
謹按仙妃本村陳姓女諱玉英元至順二年  
十月望日辰時以浣紗昇仙二弟追尋並化  
旬日後見女子紡紗於樹杪火光閃爍空中

瓊山縣志

卷五

建置五

壇廟

十七

語人曰吾蟬蛻於泰華山矣鄉人立廟祀之  
即興義圖元時所建之廟也而今並祀其二  
弟曰泰華三仙泰採訪册

東昌廟在縣東二里馬坡村明初鄉人建祀黃王  
二元帥祈年禱雨屢應

趙元帥廟在小北門外神即稗說所稱天門四將  
之一

東嶽廟在城外北隅廟廢基址尚存

三仙廟在城南郊二里祈禱多應

林公廟一在西門外大路街一在下田金花村一  
在下田朱橋里一在子城西南雲路坊而在大



路街者則元時所建神即木坊人林姓為雷化  
故其廟號雷廟祈禱多應給事中許子偉議毀  
之以神入夢乃止舊志增

張公廟在城西南鵬程坊

宗公祠在海口江公祠在為太守宗公思聖生祠

雍正年間行商陳國安楊翔鳳黃河清何良珍

等捐金公建

軍門戴公生祠在縣屬水會所城有記今廢

蔡公生祠在城北街祀按察副使蔡夢說有記今

廢舊志增

李公祠在城中街祀明知府李多見有記今廢舊志增

瓊山縣志 卷五

增

建置五

壇廟

六

謝公祠在城北隅明萬曆四十三年紳士以太守

謝繼科建粟泉書院作養人材合眾建祠於書

院內祀之因公卒於官轉為遺愛祠有記今廢

鄧公祠在南門外通津坊萬曆二十七年都督鄧

鍾征黎有功故建祠祀之今廢址存

順

治間郡守時元霖往南湖禱雨有應士民立時

雨長思碑於址上

仁孝祠明洪武初孝廉文以純文秀合族捐建置

義田六十餘丁追祀上祖垂濟族人嘉靖間憲

副史朝宜名其祠曰仁孝有記



孝義祠在縣東南博冲村元建祀孝子王紹明成  
化間鄉老黃福重建有碑記以上俱舊志

翊正祠在西湖上明參政鄭廷鵠建祀宋周程張

朱明陳白沙六君子黃志

義祠在西門外邑人偽訓導王練教諭海應乾建

歲以仲春聚城鄉子弟祀之鄭廷鵠有記同上

忠勇祠明嘉靖三十六年知府黎秀建以祀禦海

寇陣亡官兵陳進等十五人全

天后宮在郡城內總兵署前嘉慶四年建郡志全

龍正石廟在塩灶村廟後有明時碑題云石泉靈

應

瓊山縣志 卷五

建置五

壇廟

十九

康王廟在小西門內馬鞍街雍正間增貢生鄭正

捷遷建於達士巷乾隆三十年邑人鄭宗漢改

建前為廟宇後為西城鄉塾道光十一年生員

楊華倡眾捐修

西天大士廟在海口所城西二里許明鄉官王佐

靈顯海上祈禱立應故海口商民虔祀之乾隆

三十年生員林拔瓊倡眾捐修

志傳稱佐初授高州府同知年八十餘卒所

居多刺桐樹因號桐鄉今觀廟牌云初授桐

鄉令卒於海上此俗傳之誤臨高教諭謝光

輔嘗著說以辨其誣



靖海廟在海口城北門外

文武二聖廟一在蒼驛頭舖村乾隆年間建一在

開文圖加祿堰乾隆年間建道光十年監生謝

天俸等倡修一在道聘村道光九年廩生王魁

衡倡眾捐建郡志增

考古祠在縣學右考古臺故址祀明教諭趙謙今

圯

小靈山廟在城南七里大路旁有巨榕覆廟前土

民祈嗣屢應舊志

黎母廟在府城西元建舊傳雷攝一卵在黎山中

生一女歲久有交趾人渡海採香因與為婚子

瓊山縣志 卷五

孫甚眾是為黎母乃黎人之祖也廟已久廢其

基址後人更番改建詳小西門內文昌閣下舊志增

天花宮在城北鎖鑰門外乾隆間編修吳典建久

圯基址尚存道光十四年護道張育春捐建

華仙廟在府城隍廟右嘉慶十四年官民捐建

歐公廟在城西北五里道容村以上郡志

雷祖廟在頓林都土人俱言其廟址舊皆長林豐

草忽一日天大雷電草木盡燬見有石礪書雷

祖大帝四字因而立廟祀之天旱求雨甚應道

光甲申大旱知縣于學質請禱雨即大降道憲



周鳴鑾送額曰雲行雨施縣主于送額曰赫赫

厥靈採訪册

洗太夫人廟在縣南七十里梁陳都梁沙村官民

同建內祀馮洗氏夫人神甚靈顯數百里內禱

祈者絡繹不絕每逢誕節四方來集坡場幾無

隙地採訪

洗太夫人廟一在海口得勝沙咸豐四年參府黃

開廣同商民建以酌戰海匪張十五得勝之功

採訪册

洗太夫人廟一在蒼興一都明邱文莊公未第時

禱祈有應欲新其廟而艱於石神示以夢得石

瓊山縣志 卷五

建置五 壇廟

柱十餘條長俱逾丈用之不盡公建廟落成並

造廟前一橋又置田為祭費其鄉遂祀為通圖

郡主因增建廟一座至今文莊公裔年年詣廟

拜祭

調龍廟在城東五十里演豐交界處祈雨多應

按郡城海口每坊中莫不有所祠之神各村

各鄉亦莫不有所建之廟祀典不及祝史難

詳今但擇其事蹟畧顯及原志所載者列之

其餘則概從略



建置志六都市

廂都 鄉七各領廂都圖共計一百一十七

豐好鄉在縣南領廂都圖一十五 今當作領廂都圖一十七

東廂一 東莊西廂 東廂二 西廂一今分爲二

西廂二 那梅都今改文

豐好都 頓林都 涪州都 今分爲二

海口一 海口二

上那邕 大那邕原下那邕 文煥都 原傳

大來都 鳳來都今改永豐都

五原鄉在縣西領都圖一十三 今當作領都圖一十五

五原都 德慶都原五原二 振英都 原蒼驛今

瓊山縣志卷五

舊名稱爲上蒼驛誤 興政都 上石山都

文盛都 原下石 秀瓊都 原下石 石巖都 今從石巖

女秀曰冠南今文秀又改爲聯興則石巖都即今冠南都聯興都 烈樓都

鳳樓都 乾隆年間 大小英都

泰英都 秀豐都郡志作禾豐都

內義豐鄉在縣東南領都圖一十四 今當作領都圖一十七

英育都 原興 華英都 原興 振文都

大攝一 大攝二 大攝三

那社都 郡志作文興一 迎恩都 原那社二今從迎恩分出者日迎恩六莊

萬都一 萬都二 蘇尋一

蘇尋二 蘇尋三 永興都 新



今查內義豐鄉有慶善都萃英都俱新增

外義豐鄉在縣東領都圖二十四今當作領都圖三十二

東昌都 上東岸今分爲二日東岸里上東岸甲

下東岸今分爲二日下東岸里下東岸甲 張吳東

張吳西以上二都今郡志作張吳一都誤 張吳都

鍾秀都郡志作張吳二都誤 博茂一今分爲二日博茂一

里博茂 博茂二今分爲二日博茂二

大林一都 大林二都 興仁都郡志云原名大林二

都按大林一二都原與興仁並列今郡志無大林二而以大林一都興仁都爲大林

疑誤 桂林都原小林一今分爲二日桂林二

文林都原小林二 興義都郡志云原名興義一都今分爲二日興義里興義甲

瓊山縣志 卷五

興文都原興義二 豐華一原符離一 豐華二原符離二

豐華三原符離三 調塘一 調塘二

調塘三 調塘四 演順一

演順二 演順三

遵化鄉在縣南領都圖八今當作領都圖一十二

東輝都 龍塘都 大挺都

傑興都原小挺都 大小偶郡志作亨裕都註云嘉慶六年改

托都 鄭都 抱元都

今查遵化鄉有懷義保西義保東河都三圖俱

新增又有龍塘都據採訪册云原名沙塘府志

重修未改今查郡縣志俱無當係新設而府志



漏載

仁政鄉在縣西南領都圖二十二今當作領都圖三十八

暫都 遵都 宅念都原宅念二

那環都 雷虎都 梁老都

永都今分爲東保西保東保又分永都一永都二永都三永都四

上泐都新 西潭都 梁陳一

梁陳二今分爲二日梁陳二東梁陳二西 原宅都

東洋一 東洋二今從東洋分出者日東保都

射釵一 射釵二以上二都今郡志統作射釵都誤

蒼原一 蒼原二 西黎一

西黎二 林灣都郡志云以上二都俱熟黎向化近始編差

瓊山縣志 卷五

今查仁政鄉尙有西黎三一圖其從西黎三析

出者日蔭棠都踵科都富穀都集雅都崇德都

此外又有冠南都安仁都環瑯都懷義都南坤

都俱新增安仁都縣房查隸五原鄉環瑯都房

未詳所隸懷義南坤二都房查漏探訪册云俱

仁政鄉領安仁都即今安仁市分隸冠南縣與雷虎永都與澄邁接壤

永興鄉在縣南領都圖一十五今當作領都圖一十六

麻長都 白石都 博盛都原博里一都今又分

爲二日博盛一博盛二 邁別都今分爲二日邁別一邁別二

里仁都 聖鹿都原獨坡按郡志作聖虎註云原名博里二都並誤蓋

博里乃博盛原名也 官隆一今分爲二日官隆一里官隆一甲



官隆二 官隆三 今分爲二曰官隆三東官隆三西

官隆四 今分爲二曰官隆四六莊曰官隆四符莊其從官隆析出者曰樂音英

蒼興一 蒼興二 綏豐圖

麻釵都 今分爲二曰麻釵 開文都 原東黎一 郡志仍其

舊名作東黎一都 德興都 原東黎都 郡志仍其

註云今又名開文 崇文都 民國四年立

墟市 那抽市 在托 石橋市 在念都 舊州市 在東南博盛

烈樓市 在木 東山市 在射 塘葫市 舊州西北麻釵

東頭市 在博茂 大林市 在大 邁敖市 在下石

博菴市 在白石 道畔市 在大小英 嶺脚市 在麻

乾橋市 在大 龍塘市 在沙 新那邕市 在英岳張

瓊山縣志 卷五

羣蕩市 在調 塔市 在演 靈山市 在英華振

新市 在下東 坡茅市 赤草市 在大攝一

文鍾秀 五圖 雷虎市 在木都 乾隆初吳啟

五原市 在木 蒼驛市 賢捐地設并建約亭

譚文市 在官隆 石山市 在本 崩溪市 在射

邁黨市 廢 那邕市 在上 茄柄市 在蘇尊三

那邕舊市 崩溝市 廢 大井市 廢 邁犢市 廢

邁堂市 廢 橋蘭市 廢 大埔市 廢

屯昌市 在西黎 三江市 在調塘二都

都新招 在調塘二都 設立

都新招 在調塘二都 設立



甲子市 雍正四年設立  
在官隆四都

下市 雍正六年  
設立

山頭市 乾隆二年設立  
在調塘三圖

文都 以培龍市  
在城西門外道光十八年郡紳倡捐買舖二間毀折將地

北門官市 在子城北門外  
久廢今坊尚存

咸諒市 在縣西五十里乾隆間  
貢生王宏仁捐地設

龍窩墟 在桂林  
塔市墟 在演順

龍山市 嘉慶二十一年  
年抱龍村招

新興市 在西黎  
山馬市 新招

黃嶺市 新招  
坡芋市 在南坤  
大昌市 在城東百二十里  
西至東直街係瓊自北至南

瓊山縣志 卷五

橫街係文嘉  
慶年間設  
鐘稅市 在城東南百五十里  
聖鹿都乾隆年間設

會文新市 在城東南百六十里道光七年  
坡口屯徐

調龍市 在城東五十里演豐界  
以上郡志并採訪册

美黨市 與澄邁縣  
交界東南

水上市 在南灣圖  
水上古城

文嶺市 在郡南一百二十里光緒三十三年  
邀集創建

金城市 在郡東百里蘇尋都舟車罕至為鄉  
所光緒甲申年立

咸來市 在郡東七十里文興  
雲龍市 在郡南五十里光緒

三元市 在東洋二都之東墟界大江  
在民國壬子年吳登南林天

初年 建



敬等邀 龍蔭市 在東洋二都龍井村之東地  
眾同建 登裕林之璋等邀 界東堡里仁二圖丙辰年吳  
眾同建以便貿易 嶺脚新市 在縣南  
五十里

坡芋新市 南閩新市 以上四市俱民國年間  
建均在縣南二百五十  
里

益來市 在官隆一里白石永盛三圖同建  
官隆一里白石永盛三圖同建  
官隆一里白石永盛三圖同建

美本市 在縣東南 邁別圖地方光緒六  
年建在縣南九十里  
天長市 係文宿村何姓地西至湖係大塘村陳姓地  
民國三年聯圖同建在縣南一百一十里

仙山市 官隆四地方民國三年係官隆四慶善  
德興三圖全建在縣南一百一十里

仙溝市 瓊山定安二縣地查此市嘉慶以前原在定  
安地多半後市發達推廣後入瓊山東洋圖  
地屢因收市利競爭實從踏勘市外上一村瓊山  
地市外下一村亦瓊山地由上下天然直界其市  
一建是東洋圖地市廟皆瓊山東洋邁別眾等同  
建定安人數少至商業亦瓊山多而定安少近市  
之村亦瓊山多而定安少  
此為天然實據詳為註明

瓊山縣志 卷五 建置六 都市 一

靈山新市 在遵都東堡民國元年七  
月排同建因近靈山廟故名

永都市 距那城有三十里乾隆初年由永都西堡十  
七村居民購地創建市之東偏有觀音大士  
庵乃王進士之藩王茂才之垣吳孝廉魁朝吳茂  
才魁仕等讀書處庵內有把臂九林匾額為丙午  
科同年遊泮紀念其時商場  
未甚發達近時貿易頗盛云

雷虎市 於咸豐同治以前貿易頗盛自光緒以來咸  
諒永興二市日就發達而此市即日形衰落  
近幾不設

峯江市 在蘇尋三圖天祿村西宣統  
二年蘇尋三萬都一兩圖建  
在縣南六十里蒼興圖吳道  
珊郭書雲等邀眾民國二年

大山市 在蘇尋三圖天祿村西宣統  
二年蘇尋三萬都一兩圖建  
在縣南六十里蒼興圖吳道  
珊郭書雲等邀眾民國二年

龍發市 在郡東南七十里 道堂市 在文感  
大攝圖甲吳姓建

長發市 在秀瓊都嘉慶癸卯年 施茶市 在聯興  
壬子璧陳子偉倡建

福安市 石山文感秀 瓊界市 光緒甲午年建近  
瓊三圖合建 邁敖市故趾東邊

亞嶺市 在屯昌西南 藤寨新市 在安仁富二圖  
十五里新建 交界



嶺肚市 一名東安

南莖市 在南莖圖

洗馬市 在青寧市

南總朗舖 在加祿圖

艾鈔市 在大水崗

永木舖 在南莖圖

水會所市 宣統三年符瑞王國棟遷水煎市於水會所城內現商務頗發達

寮水會所城 建於明萬歷二十八年設撫黎通判吳

俸以督捕兼撫黎開示信義設立社學以教化黎人

其時輸誠者數百村無黎患者數十年後裁通判缺

撫黎無人其患遂沿至今日今觀小會所在大小水

崗間近連澄定諸黎崗遠通崖州諸崗地勢最為衝

要倘開設一縣於此並調一營駐紮指循得人不能

化黎為民除瓊州心腹之患書此以俟將來



建置志七 橋 渡

橋梁

水街橋在城南門外元建水自城濠流出經南湖

入海舊志下全

文明橋在南關外即新橋崇正庚午鄉官張希堯

副使兵學道衛成忠建 國朝大風傾圮百總

馮應龍修乾隆三十五年邑人溫維新修道光

十二年邑人符魁泰修水自西洗馬橋來經瑞

雲橋出北冲河入海舊志增

瑞雲橋在城外南橋舊名虹橋宋建長六十五丈

廣一丈一尺九洞明天順間副使廊彥譽增高

瓊山縣志 卷五

建置七 橋

三七

二尺存三洞萬曆二十一年圯郡守阮純如重

修萬曆三十三年地震復圯鄉人募修四十六

年郡守歐陽璨率官紳重修碑銘尙存昔有亭

今廢乾隆十一年知縣楊宗秉復加修舊志增

河口橋在城東元建明宏治間知府張桓開河便

糧運抵濠重砌高廣丈餘水自瑞雲橋來經博

冲河入海

青雲橋在東門外峻靈潭南石建明正德辛巳年

僉事汪克章重修并砌石路

洗馬橋在縣西南二里宋建又名馭仙橋水自龍

井流出瑞雲橋經博冲河入海



第一水橋俗名滴一橋在縣西北二里下田村前  
元建水出大小英都入海

第二水橋俗名滴二橋在縣西北三里明宣德間  
巡檢張孟升建木橋天順間副使鄭產譽更以  
石

接龍橋在府城北係往海口通衢郡守佟湘年砌  
築以接郡城龍脈久圯康熙四十年知府賈公  
棠重建乾隆三十五年邑人溫維新捐修砌石

舊志  
增

提橋在縣東南四里頓林都宋建水自那梅都田  
間流合博冲橋水達大江入海

### 瓊山縣志

#### 卷五

建置七橋

三

博冲橋在縣東南四里頓林都宋建水自龍潭流  
出達蕃誕江經白沙港入海

五里橋在縣西官路五里明宣德四年鄉人戴久  
建久圯 康熙間商人何震淑捐修有記

南茂橋在城西北六里明永樂間教諭張善教建  
水自濱涯流達第一第二橋入海

迎恩橋在縣北七里明正統五年知府程瑩建乾  
隆五年水漲衝圯監生陳國安詹必惠生員鍾  
世聖募金重修水出田間經此入海

丁村橋在縣西南官道五里水自西湖龍井來流  
經洗馬橋達博冲河入海

以上俱  
舊志



沙水橋在縣西八里俗名涌昌亦作桑橋又曰南送

橋西路二州四縣吏民往來途必經此其水自

田澗流達第二水橋遇霖雨則漲溢難濟橋為

明正統間知縣朱憲建崇禎丁丑鄭許氏修

國朝康熙丁丑澄邁知縣邱象豫捐俸重建有記雍

正戊申婁縣陳大本應城魏朝聖重修乾隆五

十九年橋盡毀壞片石無存封宜人吳謝氏捐

金命子瑾璋璠復于舊基之東創造石橋長三

丈廣五尺五寸高八尺洞門二又砌石路二丈

四尺翰林吳典有記參重建海桑橋記

響水橋在縣南八里薛村前水自西湖流來經此

瓊山縣志 卷五

建置七 橋 三五

達博冲河入海舊志下全

和鑾橋在豐好鄉水接響水橋達博冲河

惠龍橋舊名珍瓏橋在縣東十二里知府黃顯見

碑記

邁龍橋在縣東十五里從張吳鋪往靈山官路兵

學道馬逢皋捐修

博濟橋舊名博雅橋推官洗沂記以上二橋久圯

明嘉靖丁巳年知縣吳時昭修復

鍾橋在縣東十四里上那邕元鍾姓捐建

買舍橋在縣東二十里大林都元僧無我募建水

自南渡大江流出塞港入海



五原橋在縣西二十里五原都官道宋南渡 僧建

乾橋在縣南二十里挺村官道

白沙橋在縣東二十五里小林都元建水自靈山

田澗流出經碌松坡達塞港入海

杜村橋在縣西二十五里宋淳熙間杜公建道光

三年下流沙塞田荒為滂池近村人砌橋加高

五六尺以渡舊志增

波蔡橋在縣東三十里小林都僧無我建水自靈

山田澗流經白沙橋出港入海

烈樓橋在縣西北三十里元建水自上石山都田

瓊山縣志 卷五

建置七 橋

三十一

澗流出烈樓港入海

博達橋在縣西三十里烈樓都鄉人建

博合橋在縣東南五十里萬都元建水自本都田

澗流出那廉橋經舖前港入海

冲尾橋在縣東五十五里往文昌官路

蘇村橋在縣東六十里鄉人建

禿橋在縣西南六十里西潭都

蘇稔橋在縣東南六十里蘇尊都宋建

石橋在縣南六十里宅念都上豎欄杆

梁老橋在縣西南六十里梁老都宋建上豎欄杆

今廢水自南湖流出西潭都達江



海天橋在縣西南六十里梁老都宋建

卜壁橋在縣西南六十里水自南湖滄浪流出浦

天橋上築大堤瀦水灌田數十頃有碑記

那廉橋在縣東六十里符離都元僧無我建水自

萬都山澗流出莊田渡達舖前港入海今圯石

存

邁容橋在縣東七十里那社都明永樂間鄉人吳

瓊達等建萬曆三十三年地震崩陷設渡通往

來四十一年改官路

通濟橋在縣西南八十里蒼原都明正統六年知

縣朱憲建以便義倉運路御史鄭傑命名

瓊山縣志

卷五

建置七 橋

三

昇雲橋在縣東九十里邑人張子翼碑記

北剗橋在縣東二十五里興仁都係往文昌舖前

官道明建潮水時浸朝築暮傾官批興仁桂林

文林三圖里民遞年修葺准免丁夫有碑記

龍塘大橋在縣南二十里沙塘都

青松橋在縣東三十里桂林都源自陶公山流達

北洋港凡水漲往來維艱明季青松演村二鄉

士民捐募建以石

那慶橋在縣東二十里那慶都

獲龍橋離城七十里在邁盛市乾隆十年吳文浩

吳文溢等協力捐建



馮氏橋在縣東九十里蘇尋二圖烏石溪雍正十一年馮氏通族捐伊祖副將馮文備樂善馮佛護二代嘗銀合建高二丈長十五丈廣九尺併砌石路數里有石碑

橋眉橋在縣東八十里乾隆二年梁嘉賓捐建併砌石路三十餘丈

大路橋在縣東南官隆三地方離城一百里雍正十三年張玉節之母梁氏建造高一丈二尺厚八尺長四丈進士謝寶記咸豐四年李萬蘭重修舊志增。

百谷橋在縣東南官隆地方離城一百餘里係貢

瓊山縣志

卷五

建置七

三

生張震蕃之妻陳氏捐修歲貢任連山縣訓導

張震亨有記

村頭大橋在縣西秀英地方離城一十餘里康熙

六十一年監生周李忠之妻節婦王氏捐修有

碑記

西善橋在縣西西廂二地方離城五里雍正七年

監生周李忠之妻節婦王氏捐修有碑記

馬凌溪橋在縣東九十里調塘三圖瓊文大路之

地長七丈餘高七尺濶四尺餘三洞乾隆六年

里耆林時富捐建舊志增

三江橋在縣東蘇尋一圖離城八十里雍正十三



年貢生馮孝麟捐建長三十丈高七尺厚五尺  
併石砌龍窩澁路二道

邁本橋在縣東南大那邕寶蔭村離城十餘里長  
一十七丈七尺八寸高四尺八寸寬五尺

道輻橋在縣東南大那邕寶蔭村離城十餘里長  
十五丈三尺一寸高四尺六寸寬五尺以上二  
橋俱係吏員吳義宗捐資于乾隆四年建造上  
俱舊志

白沙東西二橋在城東北十里乾隆五十一年編  
修吳典母宜人陳氏創建東橋長十有二丈水  
門五西橋長七十餘丈水門二十有一有記郡志

瓊山縣志

卷五

建置七 橋

三

全下

復龍橋在海口所南門迎恩坊外今改迎龍橋康  
熙二十四年知府佟湘年副使彭顯應同修乾  
隆五年水漲衝圯監生陳國安詹協萬生員鍾  
世聖募修咸豐三年水又衝圯知縣李文烜捐

修舊志增

英龍橋在秀豐都乾隆三十四年邑人何士璜建  
邁德橋在城東四十里桂林一都長七丈廣六尺  
水門五明邑人曾普興普勝合族創建

羣善橋在城東三十里桂林二都長三丈廣六尺  
水門二監生曾履廉捐建



邁榮橋在城東二十餘里大林市東乾隆五年林  
運山建嘉慶七年紳民重修

博冲橋在城南八十里維泰村西水門三乾隆三  
十一年紳士杜攀棧捐建

芙蓉橋在城東十五里靈山市東乾隆三十六年  
吳宗稷宗禹重修

崩橋在城東二十餘里張吳西園水出陶公山入  
海儒堂多呂二村顏姓建

履祥橋在城西八里大英村乾隆間邑人黃世傑  
建并修石路長二十餘丈

龍舟墩橋在城北十里嘉慶間例貢生林子平建

瓊山縣志

卷五

建置七 橋

三

水門二長五丈餘

迎龍橋在城西道光六年商人匯興升記顯利怡  
茂等修建長十餘丈

虎橋在東山市西明進士林養高建

卜這橋在蒼原圖卜這村嘉慶十二年邑人許熊建  
橋畝橋在宅念圖馮岐村西邑庠馮文選捐建

道平橋在城南十五里上那邕都長二十八丈邑  
人馬朝弼建嘉慶二十一年監生梁斗方倡捐

重修

新市拱北橋在城南二十里上那邕都鄉人捐建  
水自杜潭經涓溪合流入博冲河歲貢王金簡



有記郡志增

太史公橋二一在邕陽圖文斗村地曰文斗橋路通靈山市一在頓林都崩騰地曰騰橋路通郡城一造於乾隆五十年一造於乾隆五十八年皆翰林吳典為珠良村業師周繼材往赴城市而築而二圖之人亦沾其惠道光十五年其子以敬重修二橋俱加高尺餘郡志增

博洋橋在城西四十五里崇禎十五年陳允誠捐建砌石又置田十餘畝垂後修理嘉慶二十年裔孫監生家聲全眾重修郡志增

成產橋在抱元都宋建屢圯屢修道光六年生員

### 瓊山縣志卷五

建置七 橋 三五

何道海倡捐重修高九尺長十丈餘併砌橋頭石路二里往來稱便

潭文橋在萬一都二圖長四丈濶四尺餘邑人王紹先建有碑記以上俱郡志

東門拱橋為城外之通衢距月城不出二丈原以板度乾隆三十五年邑人溫維新累石砌之其南三百餘步即為河口橋亦名少宰橋採訪下全

上屯溪橋在郡東六十五里蘇尋三圖道光十六年陳文熙將祖常住建長四丈八尺高六尺水由龍吐橋流經敦崇龍窩等橋通文昌舖前港入海



美楠橋在博盛二都長數丈大可容車周圍賦妻  
張氏造

邦高橋在城東五十里乾隆年間附貢生馮遇春  
建長十餘丈高七尺廣八尺碑載華亭名郎遇  
春

羅牛橋在城東六十里附貢生馮遇春建長十餘  
丈高八尺廣七尺乾隆五十一年孫印用縣丞  
鳴珍重修有碑記

善橋在城東八十里蘇尋一圖羅梧村前明崇禎  
年間郡庠馮宗善集鄉人建本朝合各姓重修  
渡頭橋在城東十里明黃暎江舊址之前今石圮

瓊山縣志

卷五

世置七橋

三

鄉人駕木度之

庵前橋在城東六十五里蘇尋三圖乾隆十一年  
調塘乙圖皇瀛村生員陳邦祚妻節孝劉氏建  
嘉慶年間附近鄉人重修

美興橋在城東六十里道光癸未年蘇尋三圖樂  
堂坡村監生史士任邀衆捐建水由羣岸大洋  
流通舖前門橋邇逾數十里由舖前港出海

調龍橋在城東五十里演順一圖溪邊塘蓮村王  
仕元仕隆合衆建

博度橋在城東四十里黃國盛合衆建

電白橋在城東八十里調塘二圖電白村前乾隆



八年陳參儒陳景覺捐衆建

石池橋在城東百餘里開文圖謝以燕捐建

龍吐橋在城東六十五里蘇尋三圖嘉慶初年監

生呂世爵集鄉人捐建

龍窩橋在城東七十里蘇尋三圖龍窩村北明萬

歷年間沈居士建上流有敦崇橋乾隆間鄉衆建

雅黃橋在博盛一都黃家建

仙圍橋在城東五十里王仕元仕隆造

北欖橋在縣東南五十里萬都一圖廣七尺高五

尺長七十八丈

奇島橋在縣東南五十一里萬都一圖廣七尺高

瓊山縣志

卷五

建置七 橋

三七

四尺餘長六十餘丈

南朝橋在縣東南五十五里萬都二圖下流有東

沱橋吳啟泰建又有博洽大橋元建流出那廉

橋達舖前港入海

南宋橋在靈山市南道光二十七年里人吳日舒

何子惠合衆捐建

邁向橋在縣東南四十五里萬都英華界

北堡橋在縣東南五十里萬都一圖

秀砂橋在縣東南八十里文興都

奇樓橋在振文圖

濱洋三橋在城東南七十里迎恩都其橋有二一



在濱洋村前道光初年李姓衆建一在濱洋村東名魚洲橋一在濱洋村東北名北府橋水由田澗流經龍吐橋俱乾隆年間李參宇建龍門橋在縣南七十五里蒼興一都長二十餘丈上流又有羣石橋

旺龍橋在城南十五里潭謝村長二十餘丈王應麟建

續龍橋在梁陳一都乾隆年間武生陳美金集衆全建有碑

北溝橋在縣南七十里梁陳二都通定安官路仁用橋在縣南六十五里蒼興一圖明萬曆年間

瓊山縣志

卷五

建置七 橋

三六

馮婁建

安樂橋在城南八十餘里文興圖乾隆十一年調塘一圖皇瀛村生員陳邦祚妻節孝劉氏建并砌文昌塘銀盤坑石路二道

老市橋在上那邕康熙年間梁作舟修砌道光年間張世賓梁永秀補築

潭城橋在縣南六十里蒼興二圖

土尾橋在縣南七十三里昌文村黎國璵邀衆建博欄橋在縣南六十里陶公山下三十六曲水中原橋小而且舟遇流急時渡者屢溺道光十一年麻釵圖職員陳傳敬生員杜莊禮生杜宗元



邀眾改建高八尺長三丈二尺水門三并砌石路  
六丈輿徒可通人咸稱便

麻鋸口橋在麻鋸園長八尺高亦如之歲貢杜嗣桃  
全眾建造職員陳傳敬生員杜莊全眾重修

西河橋在麻鋸園大五尺長九尺陳世才建立

邁力橋在城南七十里乾隆年間梁嘉賓造

文來橋在官隆一都乾隆五年袁姓造長五十餘丈  
高五尺

鳳來橋在官隆四圍西魯村嘉慶二年庠生陳斐元  
邀眾族全建長十餘丈高二丈

美味橋在抱元都國倉村前道光六年杜振國倡眾

瓊山縣志

卷五

建置七 橋

三九

捐修高八尺濶六尺長四十丈

美里橋在宅念都道光二十一年例貢馮漢元職員  
馮漢奎捐貲建在馮岐村南

邁洞橋在城東南三十二里

北橫橋在城東南三十二里東潭都

北歷橋在城東南三十餘里

白石溪橋在城東南百四十里乾隆年間鄉民武大  
升捐建以上俱  
採訪冊

南幹橋在城東二十里咸豐六年提督吳元猷建

福樹橋在郡東二十八里興仁園高五尺長十丈咸

豐七年例貢生蔡紹藻建



瓊華村後有一石橋名曰瓊華橋高約二丈濶約八尺長約五十餘丈自宋朝創建在琴蒼田間及清沙壓水浸乾隆年間移築村後沙又流積擁塞遇有大雨水溢橋面道光己丑年榮山村蔡登選邀集鄰村並瓊華村捐貲補砌增高此第一修也嗣後下流復被沙飛填塞旋又上流水冲成窟橋上水勢漲溢往來行人恒嗟厲揭偶有失足殞命堪虞丁丑年鍾必揚鍾世績譚克均會瓊華村並傳桂村吳世粉海口黃琮濶等散簿捐集鉅款鳩工增築橋始完備此第二修也至今橋路堅固毫無憂慮人咸賴焉

瓊山縣志

卷五

建置七 橋

四

樂安橋在新興市南一里其橋長丈四許寬五尺餘同治十四年王德榮招集商民同建造

三江市外田洋石路並橋長一千丈有奇光緒年間文昌薛其和創建費銀二千餘

林氏溪橋在縣南一百一十里官隆四地方長五丈高九尺濶五尺光緒三十三年梁居國居雲等捐資建築

北充橋在縣南八十里博威圍維泰村後長五丈高一丈濶六尺維泰村杜章兩姓全建

荔支羅橋在縣南一百一十里長三十二丈高七尺濶五尺同治年間廩貢梁春暉庠生蔡鏡洲等捐



資建築

響水橋在縣南一百里長四丈高六尺濶四尺建造年失記

瓦窰橋在瓦窰村垵海口東所內職商邱兆麟自捐銀五百餘元於光緒三十二年重修

墨客橋在墨客村邊郡城靖南街職商鍾乾元倡捐府城海口各紳商集銀三百餘元於癸丑年新建路通各村來往便之

白沙新橋在白沙溪邊每遇潮漲難於跋涉海口職商邱兆麟自捐銀八百餘元於民國甲寅年二月興工建橋長而廣沮洲圖立碑王國憲有記

瓊山縣志

卷五

建置七橋

里

陶宋橋在東溪陶宋村垵爲南北往來要路每逢黎水漲溢洪流奔騰艱於濟渡光緒年間里人陳朝定創首勸捐建之長十二眼濶六尺

渡頭橋在東溪渡頭村南渡近連海支每逢潮汐深不可渡光緒年間里人陳鳳瑞吳朝倫等創舉勸捐得白金五百三十元鳩工建造計長十五眼濶六尺半

邁厰橋在金牛嶺

燕峯橋在葫蘆山海口蘇氏合族建

雲濃橋三眼在桂林洋係寅村吳育位何慶儀林邦材等光緒二十年建



上川橋在大林市南距市二里係官路村張紹典張承三劉首光緒三十四年造

遂歷橋七眼在大林市北三里係洋上村廩生林會英光緒二十一年造

咏南橋十九眼并石路一條在大林市西二里係提台吳元猷建參將吳世恩重修

颺塔橋在縣東綏豐圖颺塔嶺西南嘉慶年間陳姓捐建芙蓉橋三眼在靈山市東一里同治年間造

土橋一眼石橋三眼在靈山市南二里同治年間造大撫橋三間學堯橋一眼在靈山市西二里同治年間造

瓊山縣志

卷五

建置七 橋

四二

道武橋在縣南三區道武村左道光年間張氏捐建

光緒丙申年張夢霄邀集捐貲重修

夏水隄在縣南圖颺塔嶺下道光年間鄉人募建

邁亭橋縣南六里在橫脚市西係陳天傑光緒年間造

履安石橋一段三門長三丈二尺高七尺在海口長

沙坡民國二年衆士商民捐建

第一橋一所一門長一丈餘在文政坊歐公廟前清初衆士商民全建

第二橋一所三門長二丈餘在文政坊歐公廟前民國二年衆士紳民捐建勒有石碑

深水溪橋在郡南一百二十里桃村後邊光緒三十



二年側貢生周之修邀集創建

善善橋在海口關部前常開建

得勝沙橋在海口關部前右側遠得勝沙商民全建  
凝善橋在海口高州會館對面李有慶掀首捐建  
邕陽濱壅圩岸原用土築屢崩陷宣統二年大那邕  
尚道村吳世堯邀監生王釐成潘輝錦王德勝吳  
克徽秦人臻王家興馮德孚等勸捐築之以石計  
費銀壹千貳百八十餘元捐資僅七百七十壹元  
不敷五百餘元均由吳世堯慷慨出資建築完固  
溪頭橋在郡南九十里光緒年間武舉陳金勝全陳  
煥文等捐資建造

瓊山縣志

卷五

建置七 橋

三

北山橋在大揖一圖北山之前直約二丈有餘橫四  
尺其地與萬都一之東南交界其水由萬都一之  
西淋發源流下潭否田南流轉歸於北灌注北山  
上洋之田流入北山橋橋下水漸狹成一通溝  
昌尾橋離北山橋僅有一里在大揖一圖昌尾村之  
西北直約數尺橫二尺有餘其水由北山橋下之  
溝水流下

啟理橋在萬都一圖木禮湖村之左直一丈有餘橫  
僅三尺其水從昌尾村下之溝水流入橋之旁有  
田常資灌溉

福龍橋在萬都一圖福龍村之東直二丈有餘橫四



尺其水由啟班橋流入旁有灌注田畝

伯侯橋在萬都一圖卅六曲下流光緒壬午年陳天傑等邀眾全建直二丈有餘橫四尺有餘水由福龍橋流下至此已成溪亦名伯侯溪

北宮山橋在萬都一圖北宮山村之東與蘇尋三交界之地其橋直二丈有餘橫四尺有餘其水出伯侯溪流下灌注田畝

潭文橋在萬都二圖之地與蘇尋三交界係蘇尋三圖對耳村之上而耳僅一丈有餘橫三尺有餘其水由北宮山橋流下賴以灌溉對耳村前後之田畝

瓊山縣志

卷五

建置七橋

四四

博洽橋在萬都二圖博洽村之東與蘇尋三地交界橋之北與英岳圖地交界直有二丈橫五尺有餘其水由潭文橋流下至此溪勢畧大深有一丈餘由此分流逕下第二區之貢牛橋南白橋羅牛橋潭德溪以及演豐之海峽由西淋發源至此約有七十餘里之遠

青龍圖在迎恩圖宅吉村之下流長一丈有餘橫有四尺其水由福地彩溝分流宅吉村曾家集資建築

羅億橋在迎恩文興之交界地直有二丈橫有四尺其水由青龍橋分流經雲雁村之下側合流



光緒四年雲雁村監生吳峻清重修有碑

龍扶橋在大攝三圖龍扶村之前直有三丈橫有三尺其水由大攝一圖峯屏村之旁塘溝流出長流不涸灌注農田約百有餘畝前出聯村集眾建築赤變橋在大攝三圖芬蘭村之前由道崇市往龍發市之路由此經過橋已經崩壞一遇秋雨淋漓行人勞於跋涉其水由龍扶橋流下四面俱係農田但田洋狹隘

繡衣橋在文興圖東岳村之前雲雁村之對面前由二村吳丁二家集資建築中間大洋名曰雲雁洋洋中水路分二條會歸於此在左者由赤變橋流

瓊山縣志

卷五

建置七 橋

四十五

下在右者由大攝二圖之新村村塘溝中流出由新村至此水路十有餘里以上俱係農田但洋面狹隘

濱洋橋在迎恩圖濱洋村之下直四丈橫僅二尺有餘其水由羅億橋赤變橋繡衣橋會歸雲雁洋合流下注畧成溪勢亦名濱洋溪民國二年濱洋村李文忠重修此橋

魯齋橋在蘇尋三圖魯齋村之北直一丈有餘橫有四尺其水由濱洋溪流下水勢洶洶深有丈餘亦名魯齋溪

弄坡橋在蘇尋三圖弄坡村之前直不滿丈橫二尺



有餘其水由魯齋溪流下

龍窩橋在蘇尋三圖龍窩村之後橋通三江大路其水由魯齋溪弄坡橋流下由此轉過出三江海峽會歸大海由大攝二之新村塘溝流出水路至此約有五十餘里

叢湖橋在永興圖叢湖村之上與文興地交界直有二丈橫三尺有餘其水由第四區之溪豐圖七星坡之塘溝流出至此已成溪勢橋下深有數丈

福澤橋在文興圖福澤村之後與永興地交界直有丈餘橫有四尺其水由叢湖橋透落流下深二丈有餘

瓊山縣志

卷五

建置七 橋

四六

鳳潭橋在永興圖書田村之右光緒年間書田村潘育萬潘應時等以祖項重修直二丈有餘橫有五尺可通牛車橋下深有丈餘其水由福澤橋分流成爲小溪

良田橋在文興圖良田村之前長三丈有餘橫五尺有餘其水由鳳潭橋流來橋下深有二丈乾隆年間文興圖良田村楊家綿集資建築民國四年七月永興圖美毛尾村鄭先猷重修此水流出第二區蘇尋二地以及三江海峽會歸大海由七星坡至三江海峽約百有餘里之遠

溝口橋在蒼興二圖登瀛村西長三丈濶三尺高四



尺同治年間吳道政等邀眾同建

鹹浪橋在縣東演順三圖塔市西二里許橋門三世傳元僧林無我所建七橋之一上通東塘前田下達鹹水大溪居民賴此以便往來

抱歷橋在縣東大林市北五里許抱歷村東橋門四光緒末年洋上村廩生林會英建

新村新橋在縣東三十里宣統元年高山村合族捐建

綠松村石橋在桂林一圖地近海濱溪水環繞鹹潮時至行人病涉宣統二年林東陽等邀眾捐題創建石橋七架經費銀八百九十元有奇當眾公議

瓊山縣志

卷五

建置七橋

四七

撥眾大殿祖坡租或以利息為久遠修整經費以便行人

後橋在縣東南九十里官隆一里青草村東北長十餘丈高三尺濶四尺王和浙台族同建並築石道有碑記

龍底橋在縣東南九十里官隆一里坡謝村後長十餘丈高三尺濶四尺青草村王姓續祖建築

都行橋在縣南八十里博感二都美元村後長四十餘丈高五尺濶五尺同治七年陳學義等捐題建築有碑記

邊全橋在縣南一百里長四丈高六尺濶二尺鄉學



曾等建

南天橋在縣西南八十里梁老圖文郁村前長十餘丈高八尺濶五尺龍燕強等勸捐創建

東山溪石橋在大林墟東南里許十三架長八丈為瓊文二邑往來要衝崩壞已久光緒壬寅春邑人

黃濟林步攀陳龍武蘇昌五等募

修行人便

之有碑記其事

潭城橋在縣南六十里暮興二圖建長三丈高一丈濶七尺

復龍橋在海口南門外迎恩坊今改名迎龍屢遭衝

圯鄉溺多人光緒丙午年商人周恒昌詹珠圓陳

瓊山縣志

卷五

建置七 橋

四十八

悅豐等募捐補填並重修南門內直街石路長三十餘丈歲貢陳家修有碑

邁里橋在邁德村西三里許光緒庚辰年附貢生曾

慕顏出貲建造長二丈有奇高六尺開水門四顏

曰曾公橋有碑

福地才橋在縣東南六十里宅吉村之南長七丈濶

四尺村眾同建有碑

青龍橋在宅吉村東乾隆年間曾孫翼建有碑長濶

同福地才橋

鎮龍橋在宅吉村之東俗名豆藤橋長四丈濶三尺

吳俊清設簿勸捐光緒年間建有碑



龍坡橋在文興圖龍鱗溪邊二村中間廣四尺直一丈有餘其水由龍山流來深數尺下流入美桐洋美桐橋在文興圖美桐村後橫五尺直一丈有餘其水由美桐漚流深丈餘亦名美桐溪

羅佑橋在文興圖羅佑村之東其水由美桐橋分來美容橋在文興圖美容村右其水由羅佑橋分來逕達大溪以及官橋其發源從龍發嶺到此有四十里之遠

美民溪橋在蘇尋圖瓊文往來通衢長三丈餘濶五尺文昌縣霞洞村邢定三創建

龍弦橋在縣南一百二十里開文圖龍弦村前長一

瓊山縣志

卷五

建置七 橋

四

丈二尺橫二尺水深一丈宣統年村民顏時元集資建築

友梅橋在縣南一百二十里友梅村前有大小兩溪築橋兩跨溪而過一橋直一丈五尺橫三尺一橋直八尺橫二尺其水由龍弦流來深一丈下流入新客溪光緒年間友梅村李邦明建造

祿坡石橋在縣南一百二十餘里祿坡村前直一丈橫二尺其水上流約有十里深六尺下流入友梅溪光緒年間黃紫雲符正文正茂集資建造

牛渡口橋在綏豐圖牛渡口同治四年增生許乃亭耆民周朝端等募建亭有記



玉符村北乾橋有三曰浮橋曰高橋曰布當橋水潦  
暴漲三橋流通上流自西來中流經龍橋市之北  
七孔橋至道汶南之懸東橋約里許至浮橋又里  
許至高橋又數百步至布當橋水漲一二月傷耕  
種頗多下流與楓川合然浮橋或一二年方有流  
水或數年始有流水浮橋無水則二橋雖有小流  
亦淺不能傷稼

美人橋龍佑橋芬揚橋在

圖曾氏明時建築在

宣德成化宏治年間歷數百年今尚堅固人免病  
涉舉人曾學一有序

三橋在縣南五十里龍塘市南三里許高乙丈二尺

瓊山縣志

卷五

建置七 橋

五

有奇長二十餘丈分三門故名三橋自明代建築  
年失考其來源從北點巖逕海翁溝塘巖合麻長  
與抱元龍塘諸水滙於三橋流入大溪

美眉橋在縣南六十里高六七尺長二十餘丈明

代建

連溝橋在縣南七十里塘柳村西邊近年吳登崇吳

會等勸捐建築

東善橋在東門外自青雲橋至攀丹埠二里許為府  
城通衢每遇霖雨暴漲泥濘難行民多病之光緒  
戊戌年紳耆聯名設簿巨款始甃以石並連開橋  
門以通水利行人便之地屬東廂又為善舉故名  
其橋曰東善



鰲山溪橋在文興都大任廟右長五丈餘橫三峽深  
四尺其源一出龍墩嶺流出一出雅旺橋合流  
而下成此長流光緒二十四年為龍章等集里人  
捐題重修

龍發橋在縣東南八十里龍發嶺之東龍發市之西  
為往來孔道光緒乙卯吳兆祥力謀建築眾議僉  
同撥吳魁節收掌常住款藉應工費長二十餘丈  
行人稱便

福臨橋在瓊山中瑞市西十里瓊文名市往來要衝  
濶二眼長二丈餘高二丈橋梁十條清光緒年間  
文邑韓桂馨募建

瓊山縣志 卷五

建置七 橋

又五

土橋在蒼興二圖永蔭村西北二里許長三丈高三  
尺濶二尺同治年間吳正德邀眾建

那旭橋在蒼興二圖長二丈高三尺濶二尺同治年  
間永蔭村吳正茂邀眾建



道路

西南官路離郡五里俱係石地迂曲崎嶇官吏艱於  
來往明中葉間庠生王用禮大小偶都人奉官督  
修砌石或二丈或丈餘寬狹不等上自大來都下  
至托都凡六圖有五十里之遙行者稱便採訪冊  
府城內大街自大西門直抵府文廟東街并鼓樓橫  
街及各枝街邑紳吳為熙倡首勸捐合郡官紳商  
民海口舖戶共銀貳千餘元於光緒丙午三十二  
年重修鋪以大石以便行人

府城西門外直街咸豐七年鋪石小南門內至四排  
樓一由四排樓至小北門一由四排樓西至大路

瓊山縣志

卷五

建置七 路

五

街在光緒年間俱眾街舖戶捐集巨款建築

北冲橋至吳太史內橋石路光緒二十五年趙村趙  
畚伸獨力建造凡七十丈計費銀七百餘元行人  
便之

海口南所外為南北往來大道車馬輻輳石成軌  
寸餘坎河崎嶇來往大有不便光緒丁酉年海口  
職商邱景祥林毓傑設簿勸捐中鋪大石兩傍夾  
以石條寬廣砥平適迎恩橋亦遭颶風吹斷水巷  
口碼頭崩壞并同修理連柵門共費白金一千五  
百四十五元均由邱林二職商首倡暨陳膺榮陳  
如棠楊汝宗鍾觀光熊兆祥陳龍蟠蘇建龍梁建



績等捐集督鋪海口脩路自此始刻碑紀事舉人  
粘世珩有記

海口東所內街道中鋪以大石兩旁夾以石條光緒  
戊申年舉人粘世珩勸坊中捐資鋪砌

北冲石路光緒年間仰實堂捐資鋪砌由南橋達北  
冲埠頭長二里許

海口南北所內街鋪以大石兩旁夾以石條接南門  
外鋪砌由商行捐資砌造

瓊華村前到傳桂村坵有條石路約有五里長路軌  
崎嶇畫則能行夜必停息行路至此無不嗟歎二  
村吳愛祖譚克允等合二村勸籌捐光緒庚子年

瓊山縣志

卷五

建置七

路

至

五月興工壬寅年十一月告竣從此往來行人咸  
稱便故碑爲記

羣福村之坎修石路數十丈係該村光緒十一年監  
生陳之瑞等捐題建築

大尼坡村之坎修石路數十丈係該村光緒二十年  
吳建業集眾建築

舊州埠頭石路光緒二十七年商人邱光國張鍾茂  
等同眾捐題建築長三里寬四尺行人便之

新客洋路光緒二十三年商人邱光國張鍾茂等邀  
眾捐題建築長二里許寬三尺

西南官路石地難行明庠生王用禮大小偶都人奉



官督修砌石或二丈或丈餘寬狹不等上自大  
來都下至托都凡六圖有五十里之遙行者稱  
便採訪册

津渡

博冲渡在縣東南八里頓林都從南渡移建博冲

係東路通衢原編渡夫三名官給工食後裁革

渡廢 國朝康熙十年頓林都里排陳請照米

石買船僱夫撐駕免牌門夫役勒碑縣前舊志下全

榕樹渡在縣東五里東至渡頭渡往文昌舖前上

下東岸都見年買船撐駕有碑記

蜆村渡在縣東北八里博茂都

瓊山縣志 卷五

建置七 渡

五三

本利渡在縣東七里上東岸都由博冲河通海田

常患水衝歷年工築及置車灌田

麻餘渡在縣東北八里

頓打渡在縣東十里大林都今沙塞渡廢

渡頭渡在興義一都路由榕樹渡往文昌舖前見

年照米石買船僱夫撐駕勒碑縣前

楊村渡在縣東五十里那慶都

潭口渡在縣東南三十里東潭都通志作酒塘渡

龍塘渡在縣南四十里沙塘都

麻釵渡在縣南五十里麻釵都

梁陳渡在縣南六十里梁陳都南達石山巡檢司



今廢

麻蓬渡在縣南六十里梁陳都南達石山即窰窰頭

三合渡在縣西南七十里射銀都

博通渡在縣南七十五里東洋都達定安乾隆年

間員山周氏用祖租買船并撥田二丁以給渡

夫糧口舊志增

海口渡在縣北十里海口都北達徐聞踏磊驛潮

起風順半日可至凡自瓊渡徐聞有三處渡口

一日海口官渡一日白沙古渡一日烈樓渡自

烈樓嘴達徐聞車輪浦較近乾隆三年雷瓊道

瓊山縣志

卷五

建置七 渡

五

劉庶詳請海口海安各添設班渡船三隻小三

板船三隻以便差使往來署撫王暮具題經部

覆准其船式照依水師營拖風船式其造舟工

料費用在於落地稅羨銀內動支其大小修拆

造例限俱照營制遵行每船舵工水手共一十

四人其工食在於司庫耗羨公用銀內支給乾

隆三十一年奉裁班渡船二隻止留一隻改為

快槳船今官渡久廢舊志增

新埠渡在縣東調塘二圖乾隆三年里耆林時富

捐造渡船併買田以給渡子工食以上俱舊志

東山渡在東山市南郡志下全